

Platt partu:

Rundbreef 2025-10

Bi de Kulinarik-Messe

Veel Eten maakt de Hessen Freid
vunwegen ehr Verfressenheit.
Wenn du solk Interessen hest,
denn maakst du mit de Hessen Rest
mit all den goden Leckerkram
un warrst ok nich vun Cracker lahm.
Dorin sünd se sik enig, wiss.
Bloots dat ehr dat to wenig is:
"To lütt is düsse Messehall!"
Ja is denn düsse Hesse mall?!
Nu will he gor de Hallen meten.
Em kannst förwiss en Mallen heten.
"Bevor sie unsre Hallen messen,
verscheuch ich diese mallen Hessen,
dat sik nie mehr en Hesse meldt!"
Is, de so snackt, en Messeheld?

Moinmoin, leve plattdütsche Maten un Frünnen, un frohes Aardankfest!

Tja, in mien Ogen is de, de dat dor baven seggt, gor keen Held. Denn wat is de Riemel baven anners as *gruppenbezogene Menschenfeindlichkeit*, ergo — jawohl: — **Rassismus!** Gegen harmlose Hessen! Ik schaam mi ok, ganz dull, avers de Geist vun't Schüddelriemeln is einfach mit mi dörchgahn. Nee, ik will mi nich rutreden — dat de Hessen so'n Naam hebbt, de to'n Schüddeln verführen deit, dor köönt se doch nix för. De Schüddelballaad baven is nich to rechtfardigen. Glieks heff ik dat Haschen öövt, äh, Aschenhöövd, also Asch op mien Höövd — nu is avers endgüllig *Sluss mit de Albernheiten!!!*

Nu warrt dat hoge Tied för den Rundbreef! De na so en lange Schüddelballaad relativ kort is. Naja, de Aarnmaand weer so vull, de September kaakt beten op Spoorflam — liekers dat [Natuurnotizbook nocheens richtig vull](#) is mit Maanbiller un Harvststimmung. De [Kantüffeln sünd riep](#), ok de [Draken fleegt wedder](#) in düsse Tied, in't Kinnermärken [nimmt de Sommer Afscheid](#) un geiht op de Reis, un sogor de [Hüüs kriegt Feernweh](#) bi Hildegard Toelke. Bloots Thomas Seemann, Oostfrees dörch un dörch, fohrt ok in'n Urlaub [nich wieder as na Borkum](#). De [Regeern versöcht noch en Grillfest](#), beten ut de Tied fulln. För de, de tohuus bleibt as wi, giff dat tominnst [Regenbagen to sehn](#). [Un Nevel](#). Un lange [Spazeergäng an'n Strand](#). De Spazeergänger is en niege Maat, de uns wohraftig ut Indonesien mailt hett — wi freit uns dull.

In uns lose Reegn erfahrt wi in en "Prequel", woans de [Reeg över de Föderwehrfrüuns anfangen hett](#), un wi lehrt den [blaagen Spöök-Maandlander beter kennen](#). Noch mehr Lichtblicken: Addi Kahl [vertellt vun wohre Leevde](#); Behrend Böckmann is [flinkenlahm un nimmt't mit Sarkasmus](#), en Mönk [findt den Mann för't Leven](#), un Meike Balzer-Fraun spöört [all de unerwünschten Planten](#) na, de ut Grull op de Franzosen den Naam "Franzosenkruut" kregen hebbt. Momang, dat is doch keen Lichtblick — dat is bloots wedder *gruppenbezogene Menschenfeindlichkeit*! Sluss dormit!

Leve Hessen un Franzosen,
wi hebbt juuch alle hartensgeern!
Un all de annern ok!

Leve Maten, leve Frünnen, dat weer't för dütmaal! Nu wünscht wi Se un all Hessen un anner Ethnien en schöne Harvsttied. Wi leest uns wedder Anfang Nevelmaand. Fein sund blieven!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Notizen ut'n Hornung](#). Fotos un Verse vun Marlou Lessing (30.9.)
[Mit Biller dör dat Johr 2025: Harvstmaand](#). Biller vun Hildegard Tölke, Verse vun Marlou Lessing (2.9.)

De Welt un Gott:

[Öwer'n Rügenbågen](#). Vun Behrend Böckmann (28.9.)
[„Gisela, du büst de Fru för mi!“](#) En wohre Verteller vun Addi Kahl (21.9.)
[Låt den Drachen fleigen](#). Vun Behrend Böckmann (14.9.)
[Ik Linkepot](#). Vun Behrend Böckmann (11.9.)
[Veer Brundörper Fruens vertellt vun fröher — Deel 6: Wo hett dat eigentlich anfangen?](#) Vun Meike Balzer-Fraun (7.9.)
['N Kuttendräger friecht](#). Vun Behrend Böckmann (5.9.)

In't Erinnern-Notizbook:

[De ole Lüchttöörn vun Borkum](#). Vun Thomas Seemann (7.9.)
[Franzosenkruut](#). Vun Meike Balzer-Fraun (2.9.)

In't Lütte Gebedbauk:

[Ebb](#). Vun Christian Franz Lindenau (26.9.)

Natuur un Wetenschap:

[Dat ward seggt: "De dümmste Buer oort de gröttsten Kortüffeln"](#). Vun Berthold Cordes (28.9.)

[Dei Blawe Spauk-Mission. Deil 2: Instrumente un Landung.](#) Van Ludgerd Lüske (17.9.)

In't [aktuelle Natuur-Notizbook:](#)

[Veeruntwingster September — pralle Sünn un köhlig Wind.](#) Vun Meike Balzer-Fraun (30.9.)

[Wat för'n Hahnenfoot?](#) Vun Marlou Lessing (21.9.)

[Harstvagels.](#) Vun Jasmin Apcin (20.9.)

[Here comes the Moon II.](#) Vun Thomas Seemann (20.9.)

[Here comes the Moon.](#) Vun Thomas Seemann (11.9.)

[Hüüt Nacht wedder Mofi!](#) Vun Marlou Lessing (7.9.)

[Wat in de Welt vöргеiht:](#)

[Dat Grillfest.](#) Vun Behrend Böckmann (28.9.)

In't [plattdüütsche Notizbook](#) vun Marlou Lessing:

[Feminine Kl](#) (22.9.)

[Gefährlich Lachen](#) (21.9.)

[Schadenfreud](#) (17.9.)

[Düütschland reddden?](#) (5.9.)

[För Kinner:](#)

[Modder Sünn ehr Kinner: Afscheed vun'n Sommer.](#) Märken vun Sophie Reinheimer, överdragen vun Klaus-Dieter Tüxen (21.9.)

Hartlich grööt

Marlou Lessing un dat lütte Plattpartu-Team